

Կ Ա Ր Գ

ԻՐԱՎԱԲԱՆԱԿԱՆ ԱՆՁԻ ՀԱՐԿԱԴԻՐ ԼՈՒԾԱՐՄԱՆ ՆՊԱՏԱԿՈՎ  
ԼՈՒԾԱՐՄԱՆ ՀԱՆՁՆԱԺՈՂՈՎԻ ՁԵՎԱՎՈՐՄԱՆ, ԼՈՒԾԱՐՄԱՆ  
ՀԱՆՁՆԱԺՈՂՈՎ (ԼՈՒԾԱՐՈՂ) ՆՇԱՆԱԿԵԼՈՒ

1. Իրավաբանական անձի հարկադիր լուծարման հանձնաժողովը (այսուհետ՝ հանձնաժողով) ձևավորվում է Պրոքուրացիայի ծառայության և Ֆինանսների նախարարության երեքական ներկայացուցիչներից, որոնք ունեն բարձրագույն տնտեսագիտական կամ բարձրագույն իրավաբանական կրթություն:

2. Հանձնաժողով (լուծարող) նշանակվում է Պրոքուրացիայի ծառայության պետի հրամանով՝ դատարանի՝ օրինական ուժի մեջ մտած եզրափակիչ դատական ակտն ստանալուց հետո՝ 10 աշխատանքային օրվա ընթացքում:

3. Հանձնաժողով նշանակելու վերաբերյալ Պրոքուրացիայի ծառայության պետի հրամանը պետք է պարունակի՝

- 1) լուծարվող իրավաբանական անձի նույնականացման տվյալները.
- 2) լուծարվող իրավաբանական անձի կանոնադրական կապիտալի չափը.
- 3) լուծարման գործընթացի ժամկետը և կարգը.
- 4) հանձնաժողովի կազմը, ներառյալ՝ հանձնաժողովի նախագահի վերաբերյալ նշում:

4. Հանձնաժողովի նախագահ կարող է լինել Պրոքուրացիայի ծառայությունից հանձնաժողովում ընդգրկված այն անդամը, որն ունի առավել երկար մասնագիտական ստաժ Պրոքուրացիայի ծառայությունում:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎԱՐՉԱՊԵՏԻ ԱՇԽԱՏԱԿԱԶՄԻ  
ՂԵԿԱՎԱՐ

Ա. ՀԱՐՈՒԹՅՈՒՆՅԱՆ